

Müellif: Bursalı Mehmed Tahir

Dergi: Sırât-ı Müstakîm

Tarih: 1326

Pîr-i a‘zam Hacı Bayram-ı Veli ecille-i hulefâsından olup Göynük-Torbalı’da medfûn olan Bursevî Dede Ömer Sikkînî marifetiyle teşa‘‘ub eden Melâmiyye-i Bayrâmiyye şubesi meşâyihiinden câmiu’l-kemâlât bir zât-ı irfân-simât olup mukaddemât-ı ulûmu maskat-ı re’s olan Bosna’da, ulûm-ı âliyye ve ‘âliyeyi Dersaâdet’te ba‘de’l-ikmâl arzu-yı tarîkat dâiyyesiyle Bursa’ya azîmetle meşâhîr-i ricâl-i Bayrâmiyye’den Yeniyer Kabristânı’nda medfûn Şeyh Hasan Kabaduz-ı Bursevî’ye intisâb eyleyip senelerce devam eden mesai ve mücâhede-i Hudâ-pesendânesinin mükâfât-ı maneviyyesi olmak üzere tekmîl-i merâtib-i hakîkatle min-ciheti’t-tarîka nâil-i rûtbe-i hilâfet oldular. Bundan sonra da yine istikmâl-i feyz-i ilâhî maksad-ı yegânesiyle Mısır’a ve 1046 târîhinde Hicâz’a azîmetle îfâ-yı farîza-ı hacc-ı şerîfe ve ziyâret-i Cenâb-ı Seyyidü’l-enbiyâ sallallâhu aleyhi ve selleme muvaffak olarak Şâm-ı Şerîf’e rihletle kıdvetü’l-muhakkıkîn Şeyh-i Ekber Muhyiddîn Arabî hazretlerinin türbe-i şerîfeleri civârında inzivâ ederek rûhâniyet-i müşârünileyh vesâtet-i aliyyesiyle istifâza-ı ulûm-ı Muhammedîye mazhar oldular. Ba‘dehu işâret-i maneviyye ile Konya’ya azîmetle Şeyh-i Kebîr Sadreddîn Konevî ile Mevlana Celâleddîn Rûmî hazarâtı gibi medâr-ı fahr-i İslâm olan zevât-ı âliyenin merâkîd-ı şerîfelerini ziyâretle ihtiyâr-ı ikâmet ve bir müddet sonra “□□□□□□...” fermân-ı ilâhîsine lebbeyk-zen-i icâbet olarak 1054 tarihinde irtihâl-i dâr-ı âhiret eyleyip vasiyetleri üzere civâr-ı Hazreti Sadreddîn’de vedîa-ı hâk mağfiret kılındılar (kaddesallâhu sırrahü’l-azîz). “□□□□□□ □□□□□□□□ □□□□□ □□□□□ □□ □□ □□□□ □□□□ □□□ □□□ □□□□□□□□□□” ibâresinin seng-i mezarlarına yazılması cümle-i vesâyâ-yı ârifânelerinden olduğu Müstakîmzâde merhûmun “Ahvâl-i Melâmiyye-i Bâyrâmiyye” ismindeki eserinde mezkûrdur. Arabistan’daki seyâhatleri esnâsında mülâkî oldukları urefâ ve fuzalânın kâffesi ulüvv-i ka’blerini tasdîk eyledikleri gibi tahrîr buyurdıkları âsâr-ı mütenevvia-ı muhakkıkâneleri de ilâ yevminâ hazâ tasdîk-kerde-i erbâb-ı ilim ve irfândır. Kendilerinden ahz-i ulûm ve maârif eden fuzalâ-yı urefânın başlıcaları şunlardır:

Şeyh Garseddîn Halîlî, Şeyh Muhammed Mîrzâ es-Surûcî ed-Dimeşkî es-Sûfî, Şeyh Muhammed Mekkî el-Medenî, Şeyh Seyyid Muhammed bin Ebî Bekr el-Ukûd.



Müellefât-ı aliyyeleri:

- 1- Şerh-i Fusûsü'l-Hikem el-Müsemma bi-Tecelliyyât-ı Arâisi'n-Nusûs fî Menassâtî Hikemi'l-Fusûs (Âsâr-ı aliyyelerinin en meşhuru olup matbûdur.)
- 2- Mevâkıfu'l-Fukarâ
- 3- El-Vusûl ile'l-Hazreti'l-Îlâhiyye lâ Yümkinü illâ bi-Husûli'l-Ubûdiyye
- 4- Hakikatü'l-Yakîn
- 5- Metâli'u'n-Nûri's-Sünnî 'an Tahâratî'n-Nebiyyi'l-Arabî
- 6- Tefsîr-i Âyet-i “الْحَقُّ يَرَاهُ جَهَنَّمَ كَأَنَّ مِصْرَ بَيْتُكَ” alâ Butûni's-Seb'a
- 7- Risâle-i Hazarâti'l-Gayb
- 8- Tecelli'n-Nûri'l-Mübîn fî Mir'ât-i “الْحَقُّ يَرَاهُ جَهَنَّمَ كَأَنَّ مِصْرَ بَيْتُكَ”
- 9- Şerh alâ Nazm-ı Merâtibi'l-Vücûd li's-Şeyh Garseddîn
- 10- Şerh ale'l-Kasîdeti't-Tâiyye li-İbni'l-Fârız
- 11- Risâle fî Tefsîr-i Nûn ve'l-Kalem
- 12- Risâle-i A'yân-ı Sâbite
- 13- Risâle fî Şerh-i Elhamdülillâhillezî Evcede'l-Eşyâ 'an Adem ve Ademihi
- 14- Tercüme-i Terşîhât
- 15- Gülşen-Râz-ı Ârifân fî Beyân-ı Usûl-i Râh-ı İrfân (Manzûmdur)
- 16- Risâle fî Tafdîli'l-Beşer ale'l-Mülk
- 17- Şerh-i Kelâm-ı Müeyyedi'l-Cündî fî Evâil-i Şerhi'l-Fusûs



- 18- Cilâü'l-Uyûn fî Şerh-i Kasîdetü's-Şeyh Abdülmecîd Sivas
- 19- El-Yedü'l-? fî İstilâmi'l-Haceri'l-Esved
- 20- Şerh-i Rabbi Yessir velâ Tu'assir Rabbi Temmim bi'l-Hayr
- 21- El-Bûrhanü'l-Celî fî Harfî's-Sû' 'an Vechi'l-Âye fî Hâl-i Yûsuf (a.s)
- 22- Risâle fî Temessül-i Cibrîl fî Sûreti'l-Beşer
- 23- Risâle-i Uhrâ fî Temessüli'l-Cibrîl (Türkî)
- 24- Tefsîr-i Sûre-i Ve'l-Âdiyât
- 25- Risâle fî Neş'eti'l-İnsâniyye (Şerh-i bâbı's-sâdis mine'l-Fütûhâtı'l-Mekkiyye)
- 26- Tefsîr-i Sûre-i 'Asr
- 27- Tefsîr-i “الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَكُونَنَّ لَهُ شُكْرًا”
- 28- Münâcât

Hazırlayan: Ahmet Tarık Tuncer

Editör: Furkan Yalçinkaya

Link: http://isamveri.org/pdfosm/D00125/1326_6/1326_6_137/1326_6_137_TAHIRBM.pdf